

dostavljati ga Nosiocu pripreme za izradu Plana radi utvrđivanja Nacrta faze Plana.

Nosilac pripreme za izradu Plana će utvrditi Nacrt Plana i podnijeti ga Općinskom vijeću na razmatranje i stavljanje na javni uvid i raspravu u trajanju od 30 dana.

Nosilac pripreme za izradu Plana će provesti javni uvid i raspravu o Nacrtu Plana po fazama.

Član 10.

Na osnovu rezultata javnih rasprava i stava o Nacrtu Plana Nosilac pripreme za izradu Plana utvrdiće Prijedlog Plana i podnijeti ga Općinskom vijeću Novi Grad Sarajevo na donošenje. Sastavni dio Prijedloga Plana je "Elaborat troškova uređenja građevinskog zemljišta", koji će uraditi Zavod za izgradnju Kantona Sarajevo.

Ostale odredbe

Član 11.

Subjekti planiranja su: Kanton Sarajevo, Grad Sarajevo, Općina Novi Grad Sarajevo, Zavod za izgradnju Kantona Sarajevo, komunalna i javna komunalna preduzeća, vlasnici i korisnici zemljišta, potencijalni investitori i drugi zainteresovani subjekti koji iskazuju svoj interes.

Član 12.

Utvrđuje se režim zabrane građenja na području obuhvata Plana do donošenja Plana, a najduže dvije godine.

Član 13.

Sastavni dio ove Odluke je grafički prilog R 1:1000.

Član 14.

Ova Odluka stupa na snagu osam dana od dana objavljivanja u "Službenim novinama Kantona Sarajevo".

Broj 01-02-7856/13
06. maja 2013. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu čl. 40 i 47. Zakona o prostornom uređenju ("Službene novine Kantona Sarajevo", br. 7/05) i čl. 20. i 33. Statuta Općine Novi Grad ("Službene novine Kantona Sarajevo", br. 30/09 - Novi prečišćeni tekst), Općinsko vijeće Novi Grad je, na 5. sjednici održanoj 25.4.2013. godine, donijelo

ODLUKU

**O USVAJANJU IZMJENA I DOPUNA
URBANISTIČKOG PROJEKTA "TRG
MEĐUNARODNOG PRIJATELJSTVA"**

Član 1.

Usvajaju se Izmjene i dopune Urbanističkog projekta "Trg međunarodnog prijateljstva" (u daljem tekstu: Plan).

Član 2.

Plan se sastoji od tekstualnog i grafičkog dijela. Tekstualni dio sadrži:

- Odluka o provođenju Izmjena i dopuna Urbanističkog projekta "Trg međunarodnog prijateljstva";
- Tekstualni dio Plana.

Grafički dio sadrži:

1. Faza - Urbanizam prezentiran na odgovarajućem broju tematskih karata i to:
 - karta 1. - Izvod iz Urbanističkog projekta "Trg međunarodnog prijateljstva" (M 1:500);
 - karta 2. - Ažurna geodetska podloga sa lokacijama 1. i 2. (M 1:500);
 - karta 3. - Planirano stanje - Urbanističko-arhitektonsko rješenje sa lokacijama 1. i 2. (M 1:500);
 - karta 4. - Postojeće stanje (M 1:500) za Fazu B - Lokacija 2:
 - a. Postojeći objekti,
 - b. Intervencije na postojećim objektima i

- c. Posjedovno stanje;
 - karta 5. - Plan razmještaja, namjene, spratnosti i mreža građevinskih i regulacionih linija objekata za Fazu B - Lokacija 2 (M 1:500):
 - a. Planirana namjena površina
 - b. Urbanističko-arhitektonsko rješenje,
 - c. Mreža građevinskih i regulacionih linija;
 - karta 6. - Idejni projekti postojećih i planiranih objekata označenih kao "A", "B", "C", "D", "E", "F", "G" i "H" za Fazu B - Lokacija 2 (M 1:100);
 - karta 7A - 1. - Idejni projekat hortikulture za Fazu A - Lokacija 1 - postojeće stanje;
 - karta 7B - 2. - Idejni projekat hortikulture za Fazu A - Lokacija 1 - planirano stanje;
2. Faza - Idejno rješenje saobraćaja;
3. Faza - Idejno rješenje snabdijevanja vodom i odvodnja otpadnih i oborinskih voda;
4. Faza - Idejno rješenje toplifikacije-gasifikacije;
5. Faza - Idejno rješenje elektroenergetike i javne rasvjete;
6. Faza - Idejno rješenje hortikulture;
7. Faza - Idejno rješenje tk-mreže.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Novi Grad i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7858/13
06. maja 2013. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu čl. 40. i 47. Zakona o prostornom uređenju ("Službene novine Kantona Sarajevo", broj 7/05) i čl. 20. i 33. Statuta Općine Novi Grad ("Službene novine Kantona Sarajevo", br. 30/09 - Novi prečišćeni tekst), Općinsko vijeće Novi Grad, na 5. sjednici održanoj 25.4.2013. godine, donijelo je

ODLUKU

**O PROVOĐENJU IZMJENA I DOPUNA
URBANISTIČKOG PROJEKTA "TRG
MEĐUNARODNOG PRIJATELJSTVA"**

Član 1.

Ovom Odlukom utvrđuju se uvjeti korištenja, uređenja, zaštite prostora i način provođenja Izmjena i dopuna Urbanističkog projekta "Trg međunarodnog prijateljstva" (u daljem tekstu: Plan), a naročito granice obuhvata, urbanističko-tehnički uvjeti za intervencije na postojećim građevinama, uvjeti uređenja građevinskog zemljišta, uvjeti privremenog korištenja javnih površina, uvjeti uređenja zelenih i slobodnih površina, uvjeti pod kojima se pojedine djelatnosti mogu obavljati u planiranom prostoru, te uvjeti uređenja površina za saobraćaj i saobraćaj u mirovanju.

Član 2.

Odluka o pristupanju izradi Plana je definisala da se Izmjene i dopune rade u dvije faze, a odnose se na dvije lokacije i to:

- Faza A - Lokacija 1 - područje između dva postojeća stambena bloka A i B - danas slobodna zelena površina,

Opis granice obuhvata za Fazu A - Lokacija 1

Granica polazi od tačke br. 1 koja se nalazi na parceli k.č. 3398, a ima koordinate $y=6528045$, $x=4855659$, zatim produžava u pravcu istoka u dužini od 74 m, i dolazi do tačke br. 2 sa koordinatama $y=6528118$, $x=4855675$, potom se lomi na jug idući u pravoj liniji u dužini od 27 m i dolazi do tačke br. 3 sa koordinatama $y=6528123$, $x=4855649$. Granica obuhvata produžava u pravcu zapada u dužini od 74 m i dolazi do tačke br. 4

koja ima koordinate $y=6528051$, $x=4855633$ zatim nastavlja u pravcu sjevera u dužini od 27 m i dolazi do tačke br. 1, odnosno do mjesta odakle je opis granice i počeo.

Sve gore navedene parcele se nalaze u K.O. NOVO SARAJEVO III, Općina Novi Grad. Površina obuhvata iznosi $P=0,2$ ha.

- Faza B - Lokacija 2 - skver uz X transferzalu.

Opis granice obuhvata za Fazu B - Lokacija 2

Granica polazi od tačke br. 1 koja se nalazi na parceli k.č. 3301 (ulica Bulevar Meše Selimovića), a ima koordinate $y=6527800$, $x=4855681$, zatim produžava u pravcu istoka u dužini od 51 m, i dolazi do tačke br. 2 sa koordinatama $y=6527850$, $x=4855690$, potom se lomi na jug sjekajući parcelu k.č. 3301, te nastavlja u istom pravcu idući ulicom Trg međunarodnog prijateljstva k.č. 3552 (obuhvata je) i dolazi do tačke br.3 koja se nalazi na parceli k.č.3552, a ima koordinate $y=6527870$, $x=4855556$. Granica obuhvata se lomi na zapad sijekajući u pravoj liniji parcele k.č. 3552 i 3398 i dolazi do tačke br. 4 koja ima koordinate $y=6527833$, $x=4855548$, a nalazi se na parceli k.č. 3554. zatim nastavlja na sjever idući ulicom Ante Babića (ne obuhvata je) i dolazi do tačke br. 1, odnosno do mjesta odakle je opis granice i počeo.

Sve gore navedene parcele se nalaze u K.O. NOVO SARAJEVO III, Općina Novi Grad. Površina obuhvata iznosi $P=0,6$ ha.

Član 3.

U sklopu obuhvata ovog Plana definisane su zone sa sljedećim namjenama:

- Za Fazu A - lokacija 1:
zelena površina, površine 0,2 ha;
- Za Fazu B - lokacija 2:
zelena površina sa poslovnim objektima, površine 0,4 ha;
- saobraćaj, površine 0,2 ha;

Član 4.

Intervencije na postojećim objektima na području planiranja u granicama opisanim u članu 2. se vrše na osnovu Plana.

Član 5.

Urbanističko - tehnički uvjeti za intervencije na postojećim građevinama su:

- Regulaciona linija i parcelacija
 - Regulaciona linija, utvrđena ovim Planom se ne može mijenjati;
- Građevinska linija
 - Građevinske linije utvrđene u grafičkom dijelu Plana ujedno označavaju liniju iskolčenja;
 - Istureni dijelovi objekta - vijenac objekta - mogu da pređu građevinsku liniju, najviše do 0,70 m, a prema grafičkom prilogu list broj 5 - Idejno rješenje redizajna fadsada svih objekata označenih kao "A", "B", "C", "D", "E", "F", "G" i "H" (M 1:100) - planirano stanje;
 - Ne dozvoljava se dogradnja čvrstih isturenih dijelova objekta (roštilji, krušne peći, ljetne kuhinje i sl.) izvan Planom definisane građevinske linije objekta;
 - Pripadajuće zemljište za redovnu upotrebu čini isključivo zemljište ispod objekta, a koje će biti predmet dodjele;
 - Naknadna urbanistička saglasnost će se izdati na osnovu Idejnog projekta koji je sastavni dio Izmjena i dopuna Urbanističkog projekat "Trg međunarodnog prijateljstva" te će se naložiti urbanističko-tehnički uslovi za rekonstrukciju i redizajn postojećih objekata;
 - Investitor se obavezuje da izradi Glavni projekat u skladu sa gore navedenim Idejnim projektom te je neophodno da izvrši sve radove uslovljene naknadnom urbanističkom saglasnosti i odobrenjem za građenje do podnošenja zahtjeva za upotrebnu dozvolu;
 - Prilikom legalizacije voditi računa da se prikupe sredstva za izgradnju parking prostora na navedenom lokalitetu.

Spratna visina i etaže objekta

- Planirana spratnost i odstojanje građevinskih linija utvrđene su Planom i ne mogu se mijenjati;
- Svi objekti su spratnosti prizemlje (P);
- Maksimalna kota objekta je 4,20 m (visina objekta 3,60 m + postament od 0,4 m do 0,6 m)

Postojeći objekti

- Postojeći objekti u privatnom posjedu, mogu se rekonstruisati i redizajnirati u skladu sa postavkama Plana;
- Dijelovi objekata "A", "D", "E" i "H" su predviđeni za uklanjanje;
- Na dijelovima objekata "A", "D", "E" i "H" predviđenim za uklanjanje ne mogu se vršiti intervencije rekonstrukcije i redizajna.

Član 6.

Rekonstrukcija, redizajn i arhitektonsko oblikovanje postojećih objekata

- Svi planirani arhitektonsko - urbanistički zahvati moraju biti projektovani i izvođeni prema uslovima datim u članu 5. ove Odluke, a u skladu sa važećim propisima;
- Prije izdavanja građevne dozvole potrebno je pribaviti sve potrebne saglasnosti od nadležnih institucija i javnih komunalnih preduzeća;
- Priključke na mrežu instalacija treba u svakom konkretnom slučaju posebno projektovati, a u skladu sa Planom. Obavezno je projektovanje brojila za sve vrste instalacija i njihovo ugrađivanje za potrebe svakog potrošača;
- Za sve građevine koje će se graditi na osnovu Plana potrebno je prethodno pribaviti projektnu dokumentaciju. Projektna dokumentacija mora biti izrađena prema uslovima predviđenim za 8□ MCS;
- Poslovni prostori se ne mogu pretvarati u stambene;
- Rekonstrukcija i redizajn fasada se mora vršiti u skladu sa uvjetima datim ovim Planom i grafičkim prilogom (list broj 5 - Idejno rješenje redizajna fadsada svih objekata označenih kao "A", "B", "C", "D", "E", "F", "G" i "H" (M 1:100) - postojeće i planirano stanje);
- Elementi predviđeni za rekonstrukciju i redizajn, te izgradnju objekata koji su predmet ovog Plana su: beton, staklo, te zenitalni krovni otvori. Poanta materijalizacije objekata je što veća transparentnost, kako bi objekti bili što nenametljiviji u zelenilu;
- Neophodno je da materijalizacija svih objekata označenih kao "A", "B", "C", "D", "E", "F", "G" i "H" bude jedinstvena, kako bi objekti činili arhitektonsku i urbanističku cjelinu;
- Nije dozvoljena upotreba materijala koji nisu u skladu sa grafičkim prilogom ovog Plana list broj 5 - Idejno rješenje redizajna fadsada svih objekata označenih kao "A", "B", "C", "D", "E", "F", "G" i "H" (M 1:100) - planirano stanje;
- Upotreba PVC ili ALU bravarije mora biti unificirana za sve objekte;
- Dijelovi objekta projektovani kao staklene stijenke ne mogu se zazidivati, oblagati drvetom, opekam ili bilo kojom drugom vrstom materijala;
- Namjena planiranih objekata, pored ugostiteljstva i uslužnog zanatstva, može biti i kultura i obrazovanje (izložbeni paviljoni, igraonice za djecu i sl.).

Član 7.

- Javne površine (zelene površine, parkirališta, pločnici i sl.) predviđene Planom ne mogu se zaposjedati drugim građevinama i sadržajima, sem onih predviđenih ovim Planom;
- Parkiranje organizovati na Planom utvrđenim parking prostorima;

- Pješačka kretanja rješavati na Planom utvrđenim površinama;
- U zonama pješačkih kretanja ne dozvoljava se parkiranje, a omogućava se kretanje vozila za interventni saobraćaj;
- Za površinsku obradu planiranih javnih pješačkih površina treba primjenjivati materijale koji su otporni na habanje, pogodni za kretanje u zimskim uslovima (klizanje) i podnose opterećenja neophodna za kretanje interventnih vozila;
- Urbanističko - arhitektonskim rješenjem za Planom propisano područje se tretira uređenje pješačkih površina i jedinstveni tretman urbanog mobilijara (korpe za otpadke, klupe, vizualne komunikacije vezane za pješačka kretanja, telefonske govornice, elementi vode i sl.);
- Pješačke i druge javne površine se ne mogu izdvajati postavljanjem barijera ili prepreka, u cilju spriječavanja normalnog pješačkog toka;
- Zelene površine se uređuju na osnovu projekta sadnje čiju osnovu čine elementi dati fazom hortikulture u okviru Plana.

Član 8.

Uređenje građevinskog zemljišta se mora izvesti u obimu i na način kako je to predviđeno Planom. Redizajn građevina se ne može započeti bez prethodnog minimalnog uređenja građevinskog zemljišta pod čime se podrazumijeva obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture.

Redizajn i rekonstrukcija građevina ne može započeti prije uklanjanja dijelova ili cijelih objekata predviđenih za rušenje. Izuzetno se ovi objekti mogu koristiti za potrebe gradilišta, ali se isti moraju ukloniti prije tehničkog prijema građevine.

Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 9.

Slobodne i zelene površine

Ovim Urbanističkim projektom utvrđene su kategorije zelenila:

- Zelenilo uz saobraćajnice - linijsko zelenilo i skver uz X transverzalu
- Blokovsko zelenilo

Površine utvrđene kao neke od ovih kategorija ne mogu se koristiti za druge namjene, niti se mogu graditi objekti koji nisu u skladu sa funkcijom koju ta kategorija zelenila treba da ostvari.

Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.

Izgradnja i uređenje zelenih površina vrši se u skladu sa prethodno pribavljenom (odgovarajućom) dokumentacijom urađenom na osnovu Idejnog projekta hortikulture, koja je sastavni dio Urbanističkog projekta.

Član 10.

Saobraćaj u mirovanju

Saobraćajne površine, površine za parkiranje vozila utvrđene su planom-faza saobraćaja.

Parkiranje - se mora obezbijediti uz postojeću saobraćajnicu Ante Babića.

Za potrebe parkiranja planiranih objekata, prema normativima, neophodno je obezbijediti odgovarajući broj parking mjesta prema vrsti djelatnosti (za poslovne sadržaje minimalno 1 vozilo na 60 m² bruto građevinske površine (BGP)).

Unutar saobraćajnog ugla preglednosti se ne mogu postavljati ograde, vršiti sadnja visokog zelenila ili graditi druge fizičke strukture.

Član 11.

Pomoćni objekti

- Lociranje pomoćnih objekata (ljetne bašte, nadstrešnice, i sl.) može se odobriti pod istim uvjetima pod kojima se odobrava lociranje poslovnih objekata, ukoliko ne ugrožavaju susjedne objekte;
 - Pomoćni objekti moraju biti projektovani u okviru regulacione linije date u grafičkom dijelu plana (list broj 4 - Mreža građevinskih i regulacionih linija). Ljetne bašte se ne mogu ustakljivati ili zidati čvrstim materijalima, te moraju biti montažno - demontažne;
 - Dozvoljeno je postavljanje rolo tendi za ljetne bašte, koje moraju biti unificiranog kolorita i tipa za sve objekte. Rolo tende se postavljaju ispod vijenca objekta na visini do + 3,20 m;
 - Nije dozvoljeno ustakljivanje i natkrivanje pristupnih površina objektu (stepenice, ulazni platoi i sl.), osim rolo tendi;
 - Nije dozvoljena gradnja čvrstih nosača ili oslonaca za potrebe natkrivanja ljetnih bašti, osim postavljanja suncobrana, koji moraju biti unificirani za sve ljetne bašte, te rolo tendi;
 - Postavljanje mobiljara za ljetne bašte ne smije ometati Planom utvrđene pješačke hodne linije. Mobilijar ne smije biti fiksiran;
 - Ne mogu se odobriti pojedinačni zahtjevi za postavljanje podnih obloga na koti partera za ljetne bašte. Podna obloga mora biti unificirana za sve ljetne bašte.
- Ukoliko se radi o drvenoj podnoj oblozi na visini npr. + 0,15 m ne može se odobriti ograđivanje iste (ograde, žardinjere ili bilo koja druga vrsta barijere).

Član 12.

Klima uređaji

Uređaji koji su u funkciji obavljanja djelatnosti u građevini (ventilacije, dimnjaci, klima uređaji i sl.) moraju se smjestiti unutar osnovnog gabarita objekta, te svojim položajem, volumenom, oblikom i materijalom ne smiju narušiti izgled fasade objekta.

Član 13.

Zaštita životne sredine

Planirani objekti i djelatnosti koje obavljaju, navedene u čl. 6. ove Odluke moraju biti projektovani u skladu sa Zakonom o zaštiti životne sredine.

Član 14.

Normativi za osobe sa umanjenom sposobnošću kretanja

U toku razrade i sprovođenja Plana primjeniti uslove iz Uredbe o urbanističko-tehničkim uvjetima, prostornim standardima i normativima za okupljanje i sprječavanje stvaranja arhitektonsko urbanističkih barijera za kretanje osoba sa umanjenom sposobnošću kretanja koja koriste tehnička i ortopedska pomagala ("Službene novine Kantona Sarajevo", broj 5/00).

Nivelete pješačkih saobraćajnica kao prilazi i ulazi u sve objekte moraju biti isprojektovane i izvedene sa nagibima koji omogućavaju nesmetano kretanje osoba sa umanjenom sposobnošću kretanja, odnosno neophodno je obezbijediti odgovarajuće rampe, držače, posebno obilježena parking mjesta i sl.

Član 15.

Ograde

Na prostoru koji je obuhvaćen Planom nije dozvoljeno podizanje čvrstih, niti bilo kakvih drugih ograda.

Član 16.

Reklame

Nije dozvoljeno postavljanje reklama na objekte predviđene Planom, osim na praznom prostoru ispod vijenca planiranog objekta, a prema grafičkom prilogu (list broj 5 - Idejno rješenje

redizajna fadsada svih objekata označenih kao "A", "B", "C", "D", "E", "F", "G" i "H" (M 1:100) - planirano stanje).

Član 17.

Osvjetljenje i iluminacija

Za osvjetljenje i iluminaciju građevina kao i površina i sadržaja vanjskog uređenja potrebno je uraditi idejne projekte.

Član 18.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7853/13
06. maja 2013. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu člana 1., člana 2. i člana 4. stav 2. i 3. Zakona o uknjiženju nekretnina u društvenoj svojini ("Službeni list SR BiH", broj 28/77 i "Službeni list R BiH", broj 13/94) i člana 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst), Općinsko vijeće Novi Grad Sarajevo, na 5. sjednici održanoj 25.4.2013. godine, donijelo je

ODLUKU

O PROMJENI STATUSA NEPOKRETNOSTI

Član 1.

Utvrđuje se da je zemljište označeno kao:

- k.č. broj 1337/162 u površini od 239 m² upisano u zk. ul. (el.) br. 627 K.O. Gornji Butmir, kao dobro u opštoj upotrebi, izgubilo status zemljišta u opštoj upotrebi - javnog dobra.

Po novom premjeru predmetno zemljište odgovara k.č. dio 1307/3 u površini od 239 m², upisano u PL 87 K.O. Dobrinja.

Član 2.

U Katastru Općine Novi Grad Sarajevo i u zemljišnim knjigama Općinskog suda u Sarajevu, brisat će se izvršeni upis opisan članom 1. ove Odluke kao dobra u opštoj upotrebi - javno dobro u Iskazu I i isto upisati u novi zk. uložak, K.O. Gornji

OPĆINA VOGOŠĆA

Općinsko vijeće

Na osnovu člana 32. i 33. Zakona o prometu nepokretnosti ("Službeni list SR BiH", broj 38/78, 4/89, 29/90 i 22/91 i "Službeni list R BiH", broj 21/92, 3/93, 13/94 i 18/94), člana 71. stav 1. tačka 2. i člana 116. stav 3. Statuta Općine Vogošća ("Službene novine Kantona Sarajevo", broj 3/09 - Novi prečišćen tekst i 52/12) Općinsko vijeće Vogošća, na sjednici održanoj 29.04.2013. godine donijelo je

ODLUKU

O PRODAJI POSLOVNE PROSTORIJE PUTEM PRAVA PREČE KUPOVINE

Član 1.

Općina Vogošća kao vlasnik poslovne prostorije koja se nalazi u Ulici Jošanička do broja 46, prodaje poslovnu prostoriju kupcu Sulejmani Emiru putem prava preče kupovine.

Član 2.

Poslovna prostorija iz člana 1. ove Odluke je ukupne površine 5 m², izgrađena na k.č. 3001/43 k.o. Donja Vogošća, upisana u zk. uložak broj 3988.

Član 3.

Prodaja poslovne prostorije izvršit će se po cijeni od 2.500,00 KM po m², odnosno ukupno 12.500,00 KM. Ukupan iznos

Butmir, kao državna svojina sa pravom raspolaganja u korist Općine Novi Grad Sarajevo sa 1/1 dijela.

Član 3.

Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7854/13
Veza broj 04-31-2019/13
25. aprila 2013. godine
Sarajevo

Predsjedavajuća
Općinskog vijeća
Edina Gabela, s. r.

Na osnovu člana 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst) i člana 45., a u vezi sa članom 28. Zakona o pravobranilaštvu ("Službene novine Kantona Sarajevo", br. 33/08 i 7/12 - Novi prečišćeni tekst), Općinsko vijeće Novi Grad Sarajevo, na prijedlog Općinskog načelnika, na 5. sjednici održanoj 25.4.2013. godine, donijelo je

ODLUKU

**O SMJENI OPĆINSKOG PRAVOBRANIOCA OPĆINE
NOVI GRAD SARAJEVO**

I

Nedžad Kapetanović, smjenjuje se sa funkcije Općinskog pravobranioца Općine Novi Grad Sarajevo, jer u dužem periodu ne postiže zadovoljavajuće rezultate i nekvalitetno obavlja službu.

II

Ova odluka stupa na snagu danom objave na oglasnoj tabli Općine, a objavit će se i u "Službenim novinama Kantona Sarajevo".

Broj 01-02-8021/13
25. aprila 2013. godine
Sarajevo

Predsjedavajuća
Općinskog vijeća
Edina Gabela, s. r.

Ova odluka objavljena je na oglasnoj tabli Općine 7.5.2013. godine

Član 4.

Ovlašćuje se Općinski načelnik da može zaključiti ugovor o prodaji poslovne prostorije u roku od 30 dana od dana donošenja Odluke.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-741/13
29. aprila 2013. godine
Vogošća

Predsjedavajući
Općinskog vijeća Vogošća
Esad Pikanjač, s. r.

Na osnovu člana 32. i 33. Zakona o prometu nepokretnosti ("Službeni list SR BiH", broj 38/78, 4/89, 29/90 i 22/91 i "Službeni list R BiH", broj 21/92, 3/93, 13/94 i 18/94), člana 71. stav 1. tačka 2. i člana 116. stav 3. Statuta Općine Vogošća ("Službene novine Kantona Sarajevo", broj 3/09 - Novi prečišćen tekst i 52/12) Općinsko vijeće Vogošća, na sjednici održanoj 29.04.2013. godine donijelo je